

denarius illis assignatus. Exempli gratia, Matildis Imperatrix Regis Henrici Primi filia & hæres his verbis Comitem creavit, ut in ipsa Charta quam habeo apparet. Ego Matildis filia Regis Henrici & Anglorum Domina do & concedo Gaufrido de Magnavilla pro servitio suo, & heredibus suis post eum hereditabiliter, ut sit Comes de Essexia, & habeat tertium denarium Vicecomitatus de placitis, sicut Comes habere debet in Comitatu suum in omnibus rebus. Et hæc antiquissima est quam hætenus vidi Creationis Charta. Similiter Henricus II, Rex Angliæ his verbis Comitem creavit. Sciatis nos fecisse Hugonem Bigod Comitem de Norfolk, scilicet de tertio denario de Norwic, & Norfolk, sicut aliquis Comes Angliæ liberius Comitatum suum tenet. Quod sic exponit liber vetustus Monasterii de Bello. Consuetudinaliter per totam Angliam mos antiquitus inoleverat Comites provinciarum tertium denarium sibi obtinere, inde Comites dicti. Item alius Anonymus plenius. Comitatus à Comite dicitur, aut vice versa. Comes autem est, quia tertiam portionem eorum quæ de placitis proveniunt, in quolibet Comitatu percipit, sed non omnes Comites ista percipiunt, sed hi quibus Rex hereditario, aut personaliter concessit. Vnde vere pro more avi nostri Polydorus Virgilius. Anglis mos est, ut Comitatum tituli arbitrato principis dentur, etiam sine possessione locorum, è quibus ipsi tituli petantur. Quare Rex solet iis qui nihil in eo Comitatu habeant, ex suis vectigalibus dare quotannis aliquam pecuniæ summam in possessionis loco.

Gladii
cinctura.

* Penbro-
chia,
alibi.

Creabantur olim nulla adhibita ceremonia, sed tantum Charta tradita. Sub Stephano qui regnum invasit flagrante civili bello, plures etiam Comitum titulos invaserunt quos Historia Ecclesiæ Waverleie Pseudocomites, & Comites imaginarios vocat, dum memorat Henricum Secundum eos deposuisse. Ioannes autem Rex, quantum ego observavi, gladii cincturam primus adhibuit. Scribit enim Rogerus de Hoveden, Die Coronationis suæ Ioannes Rex accinxit Guilielmum Marchallum gladio Comitatus* Strigulæ, & Gaufridum filium Petri gladio Comitatus Essexie, qui licet antea vocati essent Comites, & administrationem Comitatum suorum habuissent, non tamen erant accincti gladio Comitatus: & ipsi illa die servierunt ad mensam regis accincti gladiis. Seculo subsequenti accessit impositio pilei, cum circulo aureo qui nunc in coronam radiatam mutatur & trabea honoraria. Quæ tria, vz. gladius cum cingulo, pileum cum corona, & trabea honoraria hodie præferuntur à singulis Comitibus illi qui Comes creandus, & inter duos Comites trabeis etiam honorariis indutos ad Regem in folio sedentem introducit in supertunica, ubi in genua nixus dum codicilli Creationis leguntur; ad hæc verba, Ipsum. T. in Comitem S. erigimus, creamus, insignimus, præficimus, & ordinamus, ac nomen, titulum, statum, stylum, honorem, auctoritatem, & dignitatem Comitis. S. damus, concedimus, & per gladii cincturam realiter investimus; trabea à principe superinducitur, gladius ad collum appenditur, pileum cum corona capiti imponitur, & Creationis codicilli cum prælecti fuerint, in manum traduntur. Sed hæc hujus non instituti. Quod autem inolevit ut qui Comes sit creandus, si Baro antea non fuerit, in Baronem prius erigatur, novum & nuperum est, & ab Henrici VIII temporibus usurpatum. Verum inter Comites longe

honoratissimi erant illi qui Comites Palatini sunt dicti, ut enim Palatinus commune erat nomen omnibus qui officiis in Regis palatio fungebantur, ita Comes Palatinus titulus erat dignitatis delatus ei qui fuit ante Palatinus, cum regali quadam auctoritate iudicandi in suo territorio.

Post Comites VICECOMITES ordine sequuntur, Vicounts nos vocamus. Hæc vetus officii, sed nova dignitatis appellatio, & Henrici VI tempore apud nos primum audita.

Inter Nobiles majores, locum proximum obtinent BARONES. Etsi autem non me latet, quid de hujus nominis apud Ciceronem significatione scribunt eruditi: Isidori tamen, & veteris Grammatici opinionem libens amplectar, qui Barones mercenarios milites esse volunt. Hoc enim notissimus ille apud Hirtium de bello Alexandrino locus evincere videtur. Qui sic se habet, Concurrunt ad Cassium defendendum, Semper enim Barones, compluresque evocatos cum telis secum habere consueverat, à quibus ceteri intercluduntur. Nec dissentit vetus Glossarium Latino-Græcum quod vertit Baro per Avig. Ubique etiam in Longobardorum legibus Baro pro Vir usurpatur. Nominis vero Etymologiæ, quas nonnulli procuderunt, mihi parum arrident. Fæciales Gallici deducunt Barones à Gallica lingua quasi Par-hommes, id est equali dignitate: Iurisperiti Anglici quasi robora belli: Germani nonnulli quasi Banner-beirs, id est Vexilliferi: Isidorus quasi Baragis, id est graves. Alciatus à Beronibus, gente antiqua Hispanica, quos olim mercenarios milites fuisse tradit. Sed illa è Germanica lingua potior, qua Bar liberum & sui juris significat. Quo tempore hæc appellatio in hanc insulam devenerit non mihi compertum. Britanni pro suo non agnoscunt. In Anglo-Saxonice legibus nusquam comparer, nec in Alfrici Glossario Saxonico inter dignitatum vocabula habetur, ubi Dominus vertitur Laford quod nos in Lord contraximus. Danis vero liberi Domini, cuiusmodi hodie Barones hi sunt, Thani dicebantur, & adhuc (teste Andrea Velleio) dicuntur. In Burgundia tamen valde antiquus est nominis usus, scribit enim Gregorius Turonensis, Burgundie Barones tam Episcopi, quam ceteri Leudes, &c. In

Comes Pa-
latinus.
P. Pithæ-
us.

Vicecomi-
tes.

Barones.

In Pater-
gia.
Vide Gal-
dastum p.
414.

Lordes.

Circa an-
num 580.

Heriot
sive Rele-
vium.

Manuse
forte id est
30 denarii.

Thani mul-
ti in An-
glia tempo-
re Conquæ-
storis.

fragmento legum Canuti Regis Anglorum & Danorum prima apud nos est Baronis mentio, quantum ego observavi. In quo tamen pro exemplarium varietate Vironis, Baronis, & Thani legitur. Sed Barones innuisse certum est è legibus Guilielmi Conquæstoris, in quas illa Canuti Normannice transferuntur sub nomine Baronis: ecce ipsissima verba: * Exercituaia vero ita sint moderata, ut tolerabilia sint. Comitis sicut decet, quæ sunt 8 equi, quatuor sellati, & quatuor non sellati, quatuor galeæ & quatuor lorica, octo lanceæ & totidem scuta, quatuor gladii nec non ducentæ manæ auri. Vironis sive Baronis vero regis qui est proximus ei quatuor equi, duo cum sellis & duo sine sellis, duo gladii, quatuor lanceæ, & totidem scuta, galea una, & lorica una, nec non & L manæ auri.

Primis etiam Normannorum temporibus Valvafores, & Thani proximi à Comitibus & Baronibus in dignitate censebantur, & Valvafores majores (si illis qui de Feudis scribunt, credimus) iidem fuerunt qui nunc Barones. Ut Baro ex illis nominibus videatur, quæ tempus paula-

tina